

# شهد الندى

غنائيات

أم كلثوم ابراهيم محمد عيسى

الديوان : شهد الندي

تأليف : الشاعرة الصحفية

أم كلثوم إبراهيم محمد عيسى

الطبعة : الأولى مارس ٢٠٠٧

كمبيوتر : جوناثان سنتربرس ٦٣٩٠٩٨٥

رقم الإيداع : ٥٤٩٩ / ٢٠٠٧

المطبعة : الراعي برنت هاوس ٤٩٩٤١٠٩

## هل تعلم من كان في بيتك؟

- من كان في بيتك؟ من كان في بيتك؟ من كان في بيتك؟
- من كان في بيتك؟ من كان في بيتك؟ من كان في بيتك؟
- من كان في بيتك؟ من كان في بيتك؟ من كان في بيتك؟



## الشاعرة أم كلثوم إبراهيم تلقي قصيدة في قصر ثقافة الإسماعيلية



## الشاعرة فى سطور

- أم كلثوم إبراهيم محمد عيسى .
- من مواليد الاسماعيلية يوم ٦ اكتوبر .
- حاصلة على بكالوريوس تجارة .
- مدير عام بجهاز تعمير سيناء بالاسماعيلية .
- عضو النقابة العامة للعاملين بالصحافة شعبة محررين .
- نائب رئيس فرع رابطة الزجالين وكتابة الأغاني بالاسماعيلية .
- نائب رئيس جماعة اللوتس الادبية الفنية النسائية .
- عضو رابطة الزجالين وكتاب الاغانى بالقاهرة .
- عضو شعبة الثقافة بالنقابة العامة للعاملين بالسكة الحديد .
- عضو بالاتحاد العام لشباب عمال مصر وعضو جمعية بيوت الشباب الدولية .
- ساهمت فى إنشاء عدد من الجماعات الثقافية الفنية بالاسماعيلية ومنها على سبيل المثال جماعة الحب والسلام الادبية والفنية بالاسماعيلية فى عام ٢٠٠٤ .
- وساهمت فى إنشاء جماعة اللوتس الادبية الفنية النسائية فى عام ٢٠٠٥ الاسماعيلية .
- وساهمت فى إعادة تشكيل فرع رابطة الزجالين وكتاب الاغانى بالاسماعيلية فى عام ٢٠٠٥ .
- شاركت فى ندوات وامسيات الشعر والزجل والفنون فى مدينة الاسماعيلية وميت غمر والاسكندرية .
- قامت بإعداد مهرجان ثقافى فنى كبير بمدينة القنطرة شرق بمناسبة الاحتفالات بذكرى نصر أكتوبر عام ٢٠٠٤ بمركز الشباب المطور .
- وقامت بإعداد وتنفيذ مهرجان ثقافى فنى بنادى الشجرة بالاسماعيلية فى سهرة رمضانية عام ٢٠٠٦ بالتعاون مع رئاسة اقليم القتا وسيناء الثقافى بالاسماعيلية .
- حصلت على العديد من شهادات التقدير فى مناسبات مختلفة .
- عملت محرره صحفية فى جريدة الخط الساخن بالاسماعيلية وفى مجلة النهار للصدقة ومراسلة للقسم الادبى بجريدة الراى التى تصدر عن مؤسسة دار الشعب للصحافة بالقاهرة وجريدة الاقليم بالاسماعيلية ومجلة عيون الحقيقة ومجلة السكة الحديد .
- سجلت أعمالها بإذاعة القناة .
- وسجلت أعمالها ولقاءات معها بالقناة الرابعة تليفزيون جمهورية مصر العربية .
- شاركت فى دواوين مشتركة أصدرتها قافلة ابو السعد الثقافية الفنية تحت عنوان الصلبة الجزء الأول والثانى والثالث كما شاركت فى النشرة الادبية التى تصدرها رابطة الزجالين وكتاب الاغانى بعنوان عبير الزهور الى جانب كتاب الرابطة السنوى الصادر بعنوان بستان الأدب الشعبى لعام ٢٠٠٧ . كما شاركت فى النشرة الادبية التى يصدرها فرع رابطة الزجالين بالاسماعيلية بعنوان الرائد .
- لها تحت الطبع الديوان الثانى على نفقتها الخاصة .



- أبنائها مهندس / هانى ابراهيم سيد حجازى متزوج من السيدة / اسماء ابراهيم سلام ولها حفيدان أحمد هانى ابراهيم ، ابراهيم هانى ابراهيم وابنته منار هانى ابراهيم .
- وأبنتها نجلاء سيد حجازى مدرسة لغة إنجليزية . متزوجة من الأستاذ/ أسامة محمد حجازى مدرس ثانوى . لهم أولاد محمد أسامة ، وأحمد أسامة ، وشيماء أسامة ، وعبد الرحمن أسامة .
- ولها أشقاء ستة هم :المرحومة / فتحية ابراهيم عيسى وسعاد ابراهيم عيسى ربة منزل والمرحوم / حسن ابراهيم عيسى مهندس بالسنترال والشهيد / حسين ابراهيم عيسى بكالوريوس علوم والدكتور أحمد ابراهيم عيسى أ.د بالمعهد العالى للصحة العامة ومستشار الأمم المتحدة والمرحومة / عطيات ابراهيم عيسى الموظفة بجامعة قناة السويس بالاسماعيلية

## على سبيل التقديم

حول هذا الديوان الذى يحمل اسم الشاعرة الغنائية والكاتبة الصحفية الأستاذة / أم كلثوم ابراهيم محمد عيسى بعنوان ( شهد الندى ) ويضم الديوان قرابة الخمسين قصيدة من النوع الغنائى والذى قل ما نجد مثله فى الوسط الأدبى الآن .. وفى البداية فإن الشاعرة الغنائية الأستاذة / أم كلثوم ابراهيم محمد عيسى تتميز برشاقة الحس الفنى ويتوفر لديها الذوق التعبيرى فى اختيار الألفاظ وهذا ما تفتقده فى كثير من كلمات ما يسمونه بالحدائث والعامية فى قصيدة التفصيله فقد تميزت عن غيرها بالأسلوب الفنى الراقى وكل من يقرأ هذا الديوان يلاحظ التدفق بغزارة فى المعانى التى توحى إلى القارئ بالصورة الجمالية الرائعة وتمتلى قصائدها الغنائية بالموسيقى الشعرية أى الموسيقى الداخلية فى القصيدة .. فقد كتبت وعبرت عن الوطنية وعن القضايا الحياتية وعن موطنها الذى تعشقه . الاسماعيلية وعن الوفاء الذى جسده فى قصائد الرثاء وعن العاطفة ذاتها داخل الإنسان ولم يفوتها التعبير عن إيمانها وعشقها لرسول الله صلى الله عليه وسلم .. ولسنا فى حاجة إلى استخدام أى أدلة لإثبات شاعريتها فمن خلال قراءة لقصائدها داخل الديوان سوف يشعر كل قارئ أنه فى عالم شعري جميل .. إلى جانب أنها استخدمت أدواتها بإجادة وهذه ملاحظة واضحة وملحوظة .. وحتى تكون صادقين مع أنفسنا فلا تفوتنا أن فى القليل من القصائد .. القليل من الهنأة الخفيفة وهذا لا يعيب الديوان بالنسبة لكثرة الأغنيات الجيدة فيه . وهى أيضا صحفية رائدة الجميع يحترم آرائها ويقتدي بأفكارها البناءة وحقت قدراً كبيراً من النجاح وحصلت على عضوية عاملة فى نقابة العاملين بالصحافة والطباعة والإعلام بالقاهرة وعضوية رابطة الزجالين بالقاهرة وعضوية الجمعية المصرية لرعاية المواهب ونقابة عمال السكة الحديد وحصلت على منصب نائب رئيس فرع رابطة الزجالين بالاسماعيلية وعضوية قافلة أبو سعاد الثقافية الفنية ولها مشاركتها الفعالة ولها مساهماتها فى دفع عجلة الثقافة فى إقليم القناة وسيناء الثقافى والكلام عنها قد يطول ونحن أمام ديوانها الأول .. ونترك الفرصة للإبحار بين قصائد الديوان ونرجو الاستمتاع بما فى هذا الديوان مع أطيب التمنيات للشاعرة أم كلثوم وللقرءاء خالص الشكر .

بقلم  
الكاتب الإسلامى الكبير والقاص المبدع  
الشاعر

## راضى قداح

أول يناير ٢٠٠٧م

نقّبوا قريباً فى جميع المكتبات

• بائعة الورد

مجموعة قصصية

• فجر الدموع

ديوان أزجال وأغانى

للشاعرة أم كلثوم ابراهيم

الإسماعيلية

ت. منزل : ٣٤٥٣٦٨٠ / ٠٦٤ / محمول : ٥٩٨٢٠٠٩ / ٠١٢

## الإهداء

إلى ابني هانى وأولاده  
والى ابنتي نجلاء وأولادها  
والى مدينتي الحبيبة الإسمايلية  
والى جميع الشعراء والأدباء  
وعشاق الكلمة الشاعر  
أحباء مصر عشاق الحياة  
والى أخى الذى أحبه وأحترمه الدكتور / أحمد إبراهيم عيسى

أم كلثوم

١ يناير ٢٠٠٧م



## شهد الندى

الشهد لما اشربه  
من فوق غصون الشجر  
أشرب أنا وأرتوى  
والشوق كمان يستوى

مش عايز افوق م الهوى  
خدنى معاك يا هوى  
وأززع ورود الأمـل  
خللى الصبا يكتمل

مشتاق لنور طلعتك  
أفرح مع فرحتك  
أسقينى شهد الندى  
الحب بيينا ابتدى

مبروك عليك بهجتى  
ياورده فى مخدتى  
والشمع ضيله رقص  
بلبل جميل فى القفص

غنى ورفرف لك



## هدية عمرى

يارب أنا بشكرك  
وف كل حين أذكرك  
خلقت لى موهبة  
والام دى نعمتك  
على نعمة الإلهام  
يارب ياعلام  
عايشه مع الأيام  
حب وإيمان وسلام

•••••

شالتنى فى بطنها  
والحب فى حضنها  
معها دقت الهنا  
يارب دى حكمتك  
تسع شهور كاملين  
دايم سنين وسنين  
والجنة للصابرين  
إحفظ لى أمى .. آمين

•••••

على إيدها دقت الفرح  
وعشت لحظة مرح  
والدنيا رحلة هنا  
أمى يا بدر السما  
ويشرين شهد الكون  
فى حضن قلب حنون  
من كل شكل ولون  
يا أصل حنون

•••••

رضعت من صدرها  
وأنا اللى من أمرها  
حتى كمان سرها  
الهى يطول عمرها  
الحب ويا الحنان  
عايش بكل أمان  
عارفاه بقالى زمان  
وتعيش كمان وكمان

•••••

يارب لىك دعونى  
كمل بقى فرحتى  
وتبقى فى جنتك  
وأكرمنى وبرحمتك  
أنت السميع وعليم  
مادام ضميرى سليم  
أمى يارب حليم  
أنت غفور ورحيم

أنت غفور ورحيم

## جمال الربيع

جمال الربيع سحر عيوني      وريح قلبي وقلبي وقلبي  
وفيه العطر والأزهار      والطير غنت وحبوني

•••••

في كل روضة زهور كثير      وغصون تغني مع العصافير  
والدنيا بهجة فيها النور      وفرحة مرسومة على توب حرير

•••••

وقلبي يرفرف مع كل نسمة      يرسم فوق الشفايف أحلى بسمة  
وسط الغيطان وسط المزارع      تحقق الخير نصيب وقسمة

•••••

وبا الاغاني تحكي الحياة      الله على الربيع الله  
واخذنا دايماً وسط خضره      بقدرة الخالق في نور بهاه

•••••

وانا اللي قلبي عاشق جمال الربيع      في حضن اغصانه طيب وديع  
يارب هنى قلوب الطيبين      بالزهر والكون البديع

••

## مش حا اسامحك

أنا مش حا اسامحك      يا قلبك هونت عليك  
ولا حتى تقول ألو      تسيبني وحدي في شوق  
مش حا اسامحك  
من امتي القسوة دي      من امتي انت بتجرحني  
تقسي وتبعد عني      وتحير قلبي وظني  
مش حا اسامحك  
وحياة العشره الحلوة      والشوق ودموع القسوة  
ما افكر اجيلك ثاني      لو عشت العمر في وحدة  
مش حا اسامحك  
كنا على شط الميه      سلمتك قلبي هدية  
حبيتك مش بإديه      وشفيت فيك حنية  
مش حا اسامحك  
خليت ليلى نهار      وأنا واقفة على باب الدار  
باشكي لنجوم الليل      على حبيب غدار  
مش حا اسامحك  
نويت البعد خلاص      علشان مفيش إخلاص  
وقلت ارجع يا قلبي      على قلبي زى رصاص  
عشان مفيش إخلاص



## بحبك

بحبك ويكل جوارحى      حبيتك فى هنايا وفرحى  
ضحيت لك بالغالى فى حبي      وأنا راضية بآلامى وجرحى  
حبيتك ويكل جوارحى  
يا حبيبى يا كل أمالى      يا منايا وعمرى الغالى  
من أول نظرة أنا حبيتك      وداريتك فى عنيه ياغالى  
حبيتك ويكل جوارحى  
سلمتك قلبى وأيامى      بتمنى تحقق أحلامى  
لو تبعد منى عن عيني      أتمنى اشوفك قدامى  
حبيتك ويكل جوارحى  
يا حبيبى تعالى من الاول      وكفاية علينا الشوق طوول  
ياساكن قلبى وفى عروقى      عن حبك عمري ما اتحول  
حبيتك ويكل جوارحى  
سهرانه بفكر فى غرامنا      والسكة طوييلة قدامنا  
من بكره حا أقابلك وافرح بك      والبهجة حاتملا احلامنا  
حبيتك ويكل جوارحى  
راح ترجع ليالىنا الحلوه      وحا تحلا ويانا الغنوه  
بس انت تعالى وفرحنى      دى حلاوة الفرحة على سهوه  
حبيتك ويكل جوارحى  
علشانك حافظ طول عمري      اشتاق لك لو طول صبرى  
والدنيا الحلوه نعيش فيها      وأوهب لك أيامى وعمري  
حبيتك ويكل جوارحى  
حبيتك فى هنايا وفرحى

## رجعت تانى

رجعت تانى من جديد  
ما بين ورود وتمر حنة  
ناوية أمشى مشوار بعيد  
نفسى قلبى يكون سعيد

•••••

ورجعت تانى بالأمانى  
مستحيل أنسى البداية  
نفسى أفضل فى مكانى  
لما وحى الشعر جانى

•••••

وقلت اكتب فى القصايد  
واللى حتى كلام مزوق  
للى غايب واللى عايد  
ليه يا حظى فى يوم تعاند

•••••

اشربوا ويايا كاسى  
وانتوا فرحى فى دنيا غالية  
من المحبة لأغلى ناس  
وانتوا فى الشوق الأساس

•••••

مستحيل أنسى كلامكم  
جوه قلب الليل منور  
فى الزجل والشعر منكم  
زى نجمة فوق علمكم

•••••

يا فروع الإنسانية  
الكلام طالع مزوق  
يا شعراء الاسماعيلية  
منى ليكم أجمل هدية

•••••

فى الختام بايعت سلامى  
يا شعراء رابطة بلادى  
شعر أجمل ما فى كلامى  
يا سفراء للفن سامى

فى الختام بايعت سلامى

••

## يا قاعدين

يا حاضرين الناحية دى      ما تصلوا على طه الهادى  
بايدى بقدوم ورداية      على اللى جنبى وقصادى  
يا قاعدين الناحية دى  
يا قاعدين يوم التكريم      ادعوا معايا الله كريم  
ينصر بلادنا يقويها      ويجازى أبو قلب سليم  
يا قاعدين الناحية دى  
يا قاعدين والنور زايد      فى كل حته والشيخ زايد  
بابعت سلامى لكل الناس      من السويس لغاية فايد  
يا قاعدين الناحية دى  
دعوتنا ليكم والله كريمة      والنيه صافية وسليمة  
والفرحة عمت كل الناس      والصورة حلوة وبسيمة  
يا قاعدين الناحية دى  
ونشكر الفرع الغالى      دايماً منور فى العالى  
فن الزجل رعرع جداً      والله نوره ببالى  
يا قاعدين الناحية دى  
انامش حاطول فى كلامى      انا جيه ومعايا سلامى  
دانتو تمللى على بالى      فى يومى وفحتى منامى  
يا قاعدين الناحية دى  
ما تصلوا على طه الهادى

مهداه إلى فرع رابطة الزجالين وكتاب الأغاني بالإسماعيلية

## سلفونى

سلفونى كلمتين حوب دوول مرتين  
مره للرابطة الكريمة مره ثانية للزجالين

سلفونى كلمتين

سلفونى قلوبكم مرة عايزه أحب الكون بحاله  
دى الحياه من غيركم مرة والأمل ده يا جماله

سلفونى كلمتين

سلفونى حروف غرامكم سكنو الحب الحواشى  
تلمحوه منى بمتاكم ع الغصون أوعا الشواشى

سلفونى كلمتين

إسمى ثومه وجاية ليكم شايله شوقى جوة قلبى  
الفت شعري بين ايديكم يازامايلى يا حبايبى

سلفونى كلمتين

اشربوا من كاس فنونى شهد صافى يانور عيونى  
واوعوا مره تغربونى من الأدب أو تظلمونى

سلفونى كلمتين

الحياة بالشعر حلوة والامانى فيها غنوة  
والسما صافية جميلة ويانسمة صيف وزهوة

سلفونى كلمتين



## الأيد فى الأيد

وحياة جيبى النبى  
من بلد الحبيب النبى  
الكل فرحان بىكم  
شرفتوا يا أهل العرب  
أنا بأرحب بىكم  
جيتكم وأحييكم  
ويكل واحد فيكم  
والراية فى أيديكم

•••••

من مكة لأجل الهرم  
يا شعب فيه الكرم  
سيدنا النبى المصطفى  
وصلى بكرم الضيافة  
جايين سلام وأمان  
من ريحة العدنان  
حبيب إله رحمان  
والضيف لازم ينصان

•••••

من مصر ليكم تحية  
فى أمسية شعرية  
والشعر والأغنية  
تحية للسعودية  
ومن الإسماعيلية سلام  
باعت بقلبي سلام  
والوحى والإلهام  
بلد إيمان وسلام

بلد إيمان وسلام

مهداه إلى الوفد السعودى من الشعراء الذين زاروا الإسماعيلية بقصر الثقافة

## نجلأء

نجلأء يابنتى الوحيدة      عايزة أشوفك دايماً سعيدة  
ياللى كل الود بنا      جسر للسكة الجديدة  
سكة الحب اللى غالى      والقمر فيها ياللى  
ياحبيبتى يا ضنايا      نفسى أشوفك فى العلالى

### نجلأء يابنتى الوحيدة

بنتى يا ضى الوجود      نجلأء يا عطر الورود  
رَبنا بعدله يصونك      ياللى نورك على الخدود  
سمى يالله وأحضننى      ياللى إنتى نن عيبنى  
يا أمل بكره اللى طالع      وفيه عهد بينك وبينى

### نجلأء يابنتى الوحيدة

فى السما نجماية طالعة      نورت ولا الف شمعة  
يا حبيبتى يا هنايا      مش حاشوف فى عنيكى دمعة  
والسؤال أنت الإجابة      ليك معزة وليك مهابة  
ينصرك ربى يعينك      على الوحوش وعلى الديابة

### نجلأء يابنتى الوحيدة

أوعى تبكى ولا تشكى      خلى قلبك من حديد  
والبيبان على السر سكى      بكرة ييجى يوم جديد  
حبى ومعاه البشارة      حبى ومعاه الأمان  
دالهنأ مش فى العمارة      دالهنأ فى لمسة حنان

### نجلأء يابنتى الوحيدة

مهداه إلى فلذة كبدى وقرة عينى مدام / نجلأء ابراهيم حجازى

## حكاية

حكايتك ياخويا  
مابين واحد حلوه  
وحظك قليل  
ياريتك تميل  
حكاية طويلة  
والثانية جميلة  
وبختك مفيش  
في بيتك تعيش

•••••

وأول نصيبك  
وباعك حبيبك  
وتانى نصيبك  
ورحلت بذوقها  
زواج من فراغ  
بكام قرش صاغ  
حبيلة وملاك  
وكانت معاك

•••••

وتالت وليفه  
دى هادية وأليفة  
سامحنى ياخويا  
واوعى تعاتب  
تحب القلوس  
مهيّاش كابوس  
كلامى صريح  
كلامى المريخ

حكايتك ياخويا

حكاية طويلة

••  
•

مهداه إلى شقيقى الأستاذ الدكتور / فاروق إبراهيم محمد عيسى

## صورة وذكريات

الصبريات أوأم روحى      السفينة جت على المينا  
وباقى لسه خطوة      وتخش خلاص المينا

•••••

وتوب الفرحة جميل      والبسمة الحلوة دليل  
يا حمامة فوق فى سمانا      يا أحلى وأطيب جيل

•••••

ياورده نادية عندنا      وعائشة بحبك وسطنا  
يرعاك يا غالية رينا      يضمك بالحب قلبنا

•••••

يا شجرة بفروع أصيلة      يا أجمل وأحلى سيرة  
يا ضل وقلب كبير      انت اللى فيهم أميرة

•••••

وصبرتى يا عطيات      وصبرتى على اللي فات  
قربتى خلاص من الشط      مع صورة وذكريات

••  
•

٢٠٠٥ / ١٢ / ١

ترقبوا قريباً إصدارات الشاعرة

أم كلثوم الأدبية فى مجالات الأغنية والرجل

والقصة القصيرة والمقالات الأدبية ..



## إيهاب عزت

جوة الديوان لقيت ألحان فى أشعارك  
لقيت النور فى وسط بحور فى أنهارك  
وفكره فى قلبها فكره صور حلوة فى أفكارك  
وجيت هنييت وزرت البيت فى أنوارك

•••••

فى قصر كبير .. وجمع غفير بنسمع كل إبداعك  
إيهاب عزت أديب وأمير ويان لنا إشعاعك  
فى خاطري ديوان كما الكروان وقلبي الكل ببساعك  
حبايبك دوول .. فوارس قول .. يحورهم جاية بشراعك

•••••

وفيه افرح .. وفيه مطرَح .. أقول وأعيد  
معاك باسرح .. وعما المسرح .. أقول أناشيد  
وجهد كبير .. فى ندوة تسير .. وتطرح لنا عناقيد  
بنات فكرك .. بتفتكرك .. ولك منى سلام بالأيد  
ولك منى سلام بالأيد



مهداه إلى الشاعر الأستاذ / إيهاب عزت بمناسبة صدور ديوانه الأول فى خاطري  
والقيتها فى قصر التدوق بسيدى جابر بالإسكندرية

## حمار بموتور

الناس فى العالم تتقدم  
على حظى النحس ويتقدم  
ويوماتي راح أمشى مشوارى  
وحركب مواتير لحمارى  
وراح أعمل إيه فى العربية  
والناس على الكوبرى منسية  
وأزاي حانروح لبيوتنا  
الظاهر ناويين على موتنا  
فى السكة والنسمة البردة  
راكبين عربيات م الخردة  
وشكينا كتير ومفيش فايده  
متاعبنا وآلامنا الزائدة  
ودى همسة للأب الغالى  
يارب حقق لى آمالى  
ده بعد وفاة على صالح  
وشوفنا عذاب فى التوصيلة  
الرحمة ياناس بصوا لحالتنا  
وعرضت عليكم أحوالنا

ولوحدى يا عينى بتأخر  
والحظ أهو نايم بيشرح  
من غير عربية على الكوبرى  
علشان حا بيرطع وحايجري  
قولولى ياناس ودى عطلائه  
فى البرد يا عينى وسقاعة  
بالشكل القاسى فى توصيلنا  
ومين لبيوتنا يوصلنا  
نازلين طالعين وباعذابنا  
وتعبنا جسدنا وقلوبنا  
ومين راح يسمع شكاوينا  
بتعذب أيامنا وليالينا  
رئيس جهازنا وراعينا  
ونلاقى نرجع لاهالينا  
تعبنا قلوبنا ورجليننا ...  
ولاحد تانى سائل فينا  
لحد إمتى حانتعذب  
ويقلمى أصرخ وراح اكتب



بمناسبة عطل سيارة جهاز تعمير سيناء فوق كوبرى السلام بالقنطرة شرق وطال  
الانتظار الساعات فى البرد القارس منذ عامين تقريبا . وكانت هذه القصيدة

## رمز الإيمان والضمير

ما بين الأخوة العزاز سيادة رئيس الجهاز  
نشاطه باهر وواضح وتملأ كسبان ورايح  
بيضمنا القلب الكبير رمز الإيمان والضمير  
يحب بلده وأهله والخير والله يستأهله

ما بين الأخوة العزاز

يأرئيس جهازنا المثالي في الاسماعيلية وفي القنطرة  
والكل حبك .. وطاوعك والكل شايضك وسامعك  
سينا بشوقها تناديلك وادى العريش نادى عليك  
والجهد عندك اساس كلك يا فارس حماس

ما بين الأخوة العزاز

أختم كلامي بتحية من قلبنا لك هدية  
ياصانع النهضة العظيمة يا بوا العطايا الكريمة  
وموده ويا السلام محبة فعلا مش كلام  
امشى فى طريق الخير في جهازنا للتعجير

ما بين الأخوة العزاز



مهداه إلى السيد المهندس الأب الروحي لجهاز تعجير سيناء بالاسماعيلية

## هموم الوظيفة

الموظف في بلدنا ياما  
معجباني كبير مفلس

والمدير على خده دقة  
من انصار الفول تمللي

والعلاوة يادوب تكفي  
عامله فيه حبة عمايل

كل همه في القرايه  
يجري دايم على الطبوئه

الجيوب عنده نضيفه  
والفلوس قليله دايم

الموظف تعب ان تمللي  
والورق قدامه رزمه

دي الوظيفة حالها ماييل  
والموظف محروم تمللي

جتهم خيبه يا جماعة  
دا المهن أجمل ياناس

ده المرتب مايكفنيش  
يلعن الميرى وترابه

والموظف ده آخر أيامه  
يارب استري الله السلامة

والقطار يادوب بشقه  
والمرتب عايز له زقه

والهموم لعم لطفى  
يارب استري يارب اشقى

في الجرايد والمرايه  
يستلف حق الجرايه

مغسولين بصابون وليفه  
والحياة في البيت مخيفه

من الكسل عمال يصلى  
والكلام عنده يسلى

من الرشاوى وم الجمايل  
على المرتب ريقه سائل

من الوظائف والصياغة  
والتجاره في البضاعة

لا السكن ولاحتي عيش  
بالمرتب إزاي أعيش

## شهد الندى

الشهد لما اشربه  
من فوق غصون الشجر  
أشرب أنا وأرتوى  
والشوق كما ن يستوى

زى الندى رايق  
ورد الهوى عايق  
من نهر الهامى  
وأفرح بأحلامى

•••

مش عايزه افوق م الهوى  
خدنى معاك ياهوى  
وأزرع ورود الأمـل  
خللى الصبا يكتمل

يحيا الهوى والحب  
الروح معاك والقلب  
واقطف عيدان الفل  
لاجل القمر حياطل

•••

مشتاق لنور طاعتك  
أفرح مع فرحتك  
أسقيني شهد الندى  
الحب بيننا ابتدى

هات لى معاك العيد  
والبس غنا وأناشيد  
إشرب معاينا الكاس  
وتشهد علينا الناس

•••

مبروك عليك بهجتى  
ياورده فى مخدتى  
والشمع ضيه رقص  
بلبل جميل فى الققص

مبروك علىه رضاك  
طول ليلى بستناك  
فرحان بين نورلك  
غنى ورقرف لك

•••

الأحد ٢٤/١٢/٢٠٠٦م

## شكوى للرئيس

فى الليل والدينيا ضلمة  
 والنار قيامه قايمه  
 غلابة شقيانين  
 والموج وحش عالى  
 عبارة موت وجيهه  
 وناس تانيه بتفرح  
 ولا حسوا باللى غرقوا  
 يارب صبرنا حبه  
 والحزن فين يستخبي  
 والطفل محمد صغير  
 جسمه م الريح مجمد  
 ١٦ ساعة طافى  
 لا نجده ولا مطافى  
 أمه غرقت وأبووه  
 وعناية الله فى حضنه  
 يا ناس حرام عليكم  
 عباره كهنه عايمة  
 كم شاب غرقوا فيها  
 وصاحبها عايش فى نزهه  
 تاهت نجوم السما  
 صابتهم بالعمى  
 فى الغربية حيرانين  
 غرقهم فى الدما  
 قرافه وسط مياه  
 والظيطة فى كل مطرح  
 والحزن فينا يسرح  
 وإطفى نار الحياره  
 عالى راحوا ميت خسارة  
 على وش الموج وحابر  
 والموت حواليه دواير  
 على وش المياه ميت  
 وعينه م الخوف ما بكيت  
 فى قلب الموج سابووه  
 وملايكة قوام جابووه  
 أرواح الناس تضيع  
 تغتال عمر الربيع  
 وشوفوا كام عريس  
 ودى شكوى للرئيس

ودى شكوى للرئيس

حول غرق العبارة العائدة من السعودية

## قِلةُ الأصل

قِلةُ الأصل عند الناس بقت سلعة  
وناس بتهضم حق ناس ياما  
يا رب أنا فى الزمن ده  
والندل بالظلم دبل أحلى ورده  
وادى الأصل فى الحياه حيران  
والدنيا بقت غاية يابا ومين عارف  
وادى قليل الأصل عايش ومتمتع  
عمال يجرح فى أسياده بالظلم والتضليل  
قليل الأصل عمل فصل محصلش  
وفى سوق الرجال مع الأندال له معنى  
قلالات الأصل متلقيش زيههم فينا  
وان صادف وجالتا فى يوم واحد منهم

وطعم المحبة عند الناس بقت ولعه  
وناس ياناس وكلينها ولعه  
احترت فى الدنيا  
حتى المودة كمان بقت فانية  
لأحد واقف معاه ولا حدم الجيران  
وأنا اللى عايش وحيد ورا الجدران  
عمال يعبى فى كرشه ويجرى ويبسط  
لكن له يوم عند الله ينهد أو يرجع  
دنيئ النفس من الكذب ما يشبعش  
وبأرخص ثمن فى هذا الزمن ما ينبعث  
وعمر قلالات الأصل ما يمروا حوالينا  
راح نضربه بالجزم والشلايت وبإيدينا

وعجبنى



## أنتم مين

أنتم مين أنتم مين  
وأنا اللي في ندوتكم تمللي  
• • •  
إحنا كتاب الأغاني  
قول يا عبده قول يا أحمد  
• • •  
أنتم أزهار الخميلة  
أنتم حكاية في الف ليلة  
• • •  
مين بقى يقدر يقوللي  
مين يقول تاريخ بلادنا  
• • •  
لحياء يا دنيا رقى  
قولت أنا علي الندوة أجرى  
• • •  
وأنسى كل جمال لقاكم  
ما إحنا صحبه فن دايما  
تسعد الدنيا بغناكم

أنتم مين أنتم فين





## طير حزين

لقبت طير حزين  
مكسور الجناح  
واقف على شجرة زيتون  
وعينيه كلها هموم  
تركوه الطيور في الظلام  
وعاشوا في الأوهام  
تركبوه والكل نام  
ودارت الأيام  
الطير بينزف وبقول  
بكره الأيام تدور  
مش هتخلى  
طير ولا عصفور  
يا أصحاب العقول  
يا أصحاب القصور  
إيه مصير الطيور  
من الوحوش والنسور  
ومهما كتبت في السطور  
بحر حروفي مش يكفى  
بكره يا طير ييجى النور  
لما الكل يقوم ويضحى  
وترفع رأسك فى الغصون  
وتداوى كل جراحك  
وجناحك المكسور هيكون  
أقوى شئ فى حياتك  
تضرب به النسور  
وترجع أرض أجدادك

نشرت بجريدة الخط الساخن بالإسماعيلية

## تلوث البيئة

والتلوث فيه آلام  
برضه محتاجه لنظـام  
تبقى فل وورد بلدى  
شئ بيدك شئ بيدى  
بالسجاير والمداخـن  
والهوى مقرف وساخن  
صورة مرفوضة تمامـا  
إهتماماً واحتراماً  
لأجل تبقى بلدنا تحفة  
والعيون لجمالها شايـفة  
بالتلوث من عددنا .. ؟  
فى هدومنا وحتى إيدنا  
تضعف الصحة وموتنا  
التلوث كان واعدنا  
حتي واللـه ابن سينا ..  
خلّوا كل الناس حزينـة  
بالنظافة خير داخلـى  
كلنا نحاريه تمللى

الكلام كتر الكلام  
والجهود مهما حاتكتر  
فيها إيه لو تبقى بلدى  
بالنظافة واللطفـة  
ليه تلوث نسمة طايرة  
والممكن مواتيره دايرة  
والزبالـة فى كل شارع  
كلنا ياريت نـسارع  
للحيـاه وبكل خفـة  
والشجر يكبر يرعـع  
ليه نشوف يا ناس بلدنا  
والزيوت والشحم يبقـى  
والضرر بيصيب حياتنا  
فى المياه والفاكهة شفتنا  
والأطبة إحتاروا فينا  
من جهالة ناس جهالة  
قصدي أقول وأعيد تمللى  
ده التلوث شر باين

كلنا نحاريه تمللى



## ممنوع التلوث

ممنوع التلوث .... ممنوع الزبالة  
خليك أمان كويس ... متسوقشى فى الهبالة  
ويلاش طفح المجارى  
كفايانا اللى .... جارى  
على الله تكون فاهمنى  
ووصلت لك الرسالة  
ممنوع التلوث .... ممنوع الزبالة  
ممنوع تشرب سيجارة  
فى أي بيت أو حارة  
دي تجيب السل دوعرى  
وبتتعب المرارة  
والعادم ليه تشمه والجار تحرق له دمه  
ممنوع التلوث .... ممنوع الزبالة  
كتير شفت العجايب  
جالنا كتير المصايب  
يا ريت تسمع كلامى  
قوم ياللا قوم يا خايب  
أتأكد من النظافة .... بصنعة زوق لطافة  
ويلاش تعند علينا .... راح تبقى يادوب سخافة  
ممنوع التلوث .... ممنوع الزبالة  
خليك أمان كويس ... متسوقشى فى الهبالة



## إمسك قلمك وتعلم

كلمنى وقوللى يا معلم  
افتح كراستك وتعالى  
العلم سلاحك فى الدنيا  
وحتقرا كمان أرقام ساعتك  
وحتقرا الياقطة اللى قصاها  
بالعلم يا صاحبى ضليعة  
بالعلم حاتوصل للقمة  
ولا حد ساعتها يقول عنك  
العلم شموع الحرية  
لو يكتب قلمك عنوانك  
يا معلم حاول تسمعنى  
إمسك كراستك واقرا لى  
العلم حياتنا ودليلنا  
ما بقيت وينا يا معلم  
كلمنى وقوللى يا معلم  
افتح كراستك وتعالى

من قبل ما تيجى وتسلم  
وبقلمك أكتب وأتعليم  
بالعلم ح تبقى حاجة ثانية  
وح تعرف فيها بالثانية  
راح تبقى فطيين زى ولادك  
راح تنفع بلدك وأحفاك  
بالعلم حاتعوج فى العمة  
إنك متخلف بالزمة  
وحياتك راح تبقى هنية  
راح تبقى وسط لافندية  
وافهمنى يا الله وطاوعنى  
ده بعلمك أنت حاتنفعنى  
وقمرنا الطالع ده فى ليلنا  
وبعلمك إنت اللى شايلنا  
من قبل ما تيجى وتسلم  
وبقلمك أكتب وأتعليم



## قراقيش وياميش

جه رمضان أبو دم خفيف .. ولا فيه برد ولا فيه صيف  
لكن جانا بخيره وفرحه .. جى بنوره أحسن ضيف  
جه رمضان أبو دم خفيف

جه رمضان ومعه قرآن .. جايب أحلى فانوس وأمان  
جايب خير فى زكايب .. تمر وسكر والإحسان  
جه رمضان أبو دم خفيف

جه رمضان بسحور فى التور .. حتى الفجر كمان بيدور  
وأنا وياكم صايمة وشاكره .. لله وحده رب غفور  
جه رمضان أبو دم خفيف

آخر يوم راح ييجى العيد .. فرحة وبهجة وخير بيزيد  
لعبه وكحكة وغنوة جميلة .. وأفضل أسلم كده بالايدي  
جه رمضان أبو دم خفيف

رمضان حبي وغيره مفيش .. عايزاه يفضل ولا يمشيش  
فيه قراقيش وكرم وياميش .. بادعى يا رب عشانه نعيش  
جه رمضان أبو دم خفيف

نشرت بجريدة الخط الساخن بالإسماعيلية

## شوفوا الهلال

هلت ليالى الهنا  
والنور جمعنا هنا  
رمضان وجانا السنة  
وله سلام مننا  
وشوفوا الهلال فى السما  
والمدنه نورها ظهر  
وفانوسنا نوره فرش  
والديك بيدن فرح  
والمسحراتى نده  
والطبله قالت لنا  
وام ابراهيم يا ولد  
والخير كثير عندنا  
والسبحه بعد الصلا  
تقرا آيات ربنا  
ويسجاب الدعاء  
مبروكه طول عمرها  
ويمر شهر الهنا  
نلبس جديد كلنا  
لابس هدوم عزنا  
يارب عيد السنة

والسعد فيها زاد  
ما بين شموع تنقاد  
بالفرحة ويا الخير  
والفرح ده أو عاد  
وادى النجوم حواليه  
رمضان يا عينى عليه  
الضئ نمشى عليه  
الفجر مد اديه  
قوم يا كريم اتسحر  
لكل قوم اتشمر  
بتجهز الطبلية  
من فضل ربى بيكثر  
الكل يبسبح  
قلوبنا بتصحح  
فى ليلة معروفة  
والبدر يبصبح  
بالفرحة وبالخير  
والعيد يجينا أمير  
وسط الزهور والطير  
وأحنا بعافية كمان

## المسحراتى

فى أول ليلة من رمضان      يدور بالطبلة على البيان  
وصحى سعيد وأصحى إيمان      وأوحد الواحد الديان

من أول ليلة من رمضان

وطول الشهر أدور وأدور      تغنى معايا بنات الحور  
وأمدح طله بهى النور      وييجى الفجر تصحى طيور

من أول ليلة من رمضان

وعم حسام صلى وصام      وعلى الجامع بيجرى قوام  
يصلى الجمعة .. ويزكى      ويشكر ربنا العالم

من أول ليلة من رمضان

وليلة القدر فيها الخير      وفيها ملايكة بنور بتطير  
ويشبع فيها كل فقير      ويرضى الله علينا كثير

من أول ليلة من رمضان

وييجى العيد بفرحة تزيد      وأشوف الكل يبقى سعيد  
وكحك وبهجة ولبس جديد      وينعيد سلام الأيد

من أول ليلة من رمضان



## ليلة القدر

حنسهر فيها لحد الفجر دى ليلة خير من ألف شهر

فيتها الخير نور قرآن وهية دى ليلة القدر

حنسهر فيها لحد الفجر

فيتها الملايكة ماسكة المصاحف والكل آمن ولاحد خايف

تهل منها عطور وبخور واسم الله فوق الشفايف

حنسهر فيها لحد الفجر

وقلوبنا تسهر على الايمان فى احدى ليلة من رمضان

ويجى الفجر نور على نور يزيد الاجر بالغفران

حنسهر فيها لحد الفجر

فيتها الدعاء مقبول لله ادعى يا مؤمن قول الله

هو السميع سبحانه حلیم ملناش معين ولاحد سواه

ملناش معين ولاحد سواه





## هل علينا العيد

فى طلعة يوم جديد      هل علينا العيد  
وفرحنا بقدومه      وغنينا الأناشيد

فى طلعت يوم جديد

لعبنا تحت الشجراية      بفروعها تحوش الشمسية  
ونسيمها يمر يغطينا      بالحب وأجمل ضالية

بالحب وأجمل ضالية

وليسنا جميل وجديد      لقدوم عيد سعيد  
والخير عمال بيزيد      ونسلم كده بالأيد

ونسلم كدة بالأيد

على العيلة والخلان      بمحبة من الوجدان  
نور وزهور وريحان      ونسلم على الجيران

ونسلم على الجيران

والحكك والفطير      للضيف والأميزر  
ياكل ويحمد ربه      والأجر عنده كبير

والأجر عنده كبير

## سكة الحجاج

أشواقنا زادت لنبيينا  
رايحين قلوبنا فيها إيمان  
واتبعترت فوق مينا ومينا  
بسرعة شقى الموج ياسفينة

• • •

وفجده أول خطوة نور  
أرواحنا طائرة جوه الكون  
وقلوبنا سجدت لك ياغفور  
فوق الجبل نقض ونزور

• • •

فى مكة نقرأ آيات وآيات  
فى المدينة عند نبينا  
وفى الصفا والمروة اشواط  
نرفع إديننا ... بالدعوات

• • •

يا بخت من لبي وجالك  
يارب إ وعد كل الناس  
صلى وصام ويسرعة نداءك  
والكل يسعد بجمالك

• • •

وارجعنا ونفوسنا الخاشعة  
وملايكة جيّه وبتهنّي  
شقنا الرضا بين ركعه وركعه  
فى الروضة روعه على روعه

• • •

يارب نولها لعبدك  
أيام حياتنا دى قلايله  
يارازقنا كله من عندك  
والرحمة بتيجي من يدك

والرحمة بتيجي من يدك



## انتصاره كان هدية

اعتدوا على خير البرية انتصاره كان هدية	أيام قريش والجاهلية ولما هاجر للمدينة
صاحب الرسالة الممجّد لأنه بالغفار بيشهد	لأنه حبيب الله محمد غير أنين منه تملّى
نزل القرآن في قلبه والملائكة وقضوا جنبه	اصطفاه ربه وحبّه وانتصر أيام زمانه
بالهدى وبالبسالة ضد الكفر والحسالة	أدّى دوره في الرسالة والكتاب مسكه في يمينه
في العقول وقلوبنا جوه فيه صلاح الكون بقوة	مهما قالوا عنه هو نور ينور كون بحاله
ظهرت لينا شلة وعصبة جّت لهم داهية وكبّة	والنهارده في أوربا حاولوا تشويه المكمّل
بركان مدمر للحياة ملقوش منقذ أو نجاة	انفلوانزا في الطيور والطبيعة كمان تثور
اصطفاه رب العباد صايناه ربه وحبّه زاد	ذنب سيدنا الهادي أحمد النبي الغالي محمد
صينته ربه وحبّه زاد	

## الله أكبر

الله أكبر على كل ظالم

الله كريم مع كل مسالم

الله أكبر الله أكبر

الله يبارك رزق حلال

يا عبد زكى شأن المال

الله أكبر الله أكبر

وصلى عالهادى وزوره

وفى المدينة إتملى بنوره

الله أكبر الله أكبر

وأختم كلامى بصلاة الزين

يا رب أحفظ بيننا الدين

الله أكبر الله أكبر

نشرت بجريدة الخط الساخن

## يامصر

يامصريانور عيونى  
لما بغيب عنك  
وناسك بيوحشونى  
اقول عنك كلام  
فى الغربة ويسألونى  
إنك مهد السلام  
يا مصر يانور عيونى

يامصر ياجنة خضرة  
حببتك طول سنينى  
ياجمال ونور وقدره  
بقل عنك كلام  
يامصريا أغلى دره  
إنك مهد السلام

يا مصر يانور عيونى  
أهرامك ويانىلك  
قرأتك مع إنجيلك  
وبقول عنك كلام  
والمجد كمان دليلك  
إنك مهد السلام

يا مصر يانور عيونى  
وأنا عشت سنين فى حضنك  
أتباهى بقمحك وقطنك  
يامصريا أم الدنيا  
ياجميلة بدوب فى حسنك  
وبقول عنك كلام  
إنك مهد السلام

يا مصر يانور عيونى

يا مصر يانور عيونى

نشرت بجريدة الخط الساخن

## شُرطتك يا مصر

التاريخ سجل نضالك  
والحياة عزه وكرامه  
والشهادة من رجالك  
مين بقى فى الكون مثالك  
• • •  
شرطة مصرية وعظيمة  
شغلها كله بساله  
رافعة رايتها الكريمة  
فيها مجد وفيها قيمة  
• • •  
هى الحصن للأمان  
هى فخر لكل مصرى  
هى أمن ونور مكان  
هى نهضة فى الزمان  
• • •  
هى حارسة مجد بلدى  
هى ضى لكل تاييه  
هى أعلى حاجة عندى  
هى سكة خير لولدى  
• • •  
ليها منى ميت سلام  
ليها ذكرى غالية عندى  
فى احتفالها كل عام  
يوم ماكانت فى الامام  
• • •  
فى الحروب كانت شجاعة  
كانت الدرع اللى يحمى  
للوطن كانت مناعه  
المدن ويا الجماعة  
• • •  
فى الحصار كانت سفينة  
شرطةك يا مصر غالية  
كانت منارة فى كل مينا  
والزمان اهداها لينا



## عيد الجلاء

يامصر لما انت مصر  
خلا العدو انك سر  
شعبك في يوم عيدك  
على جسر تنهيدك

•••

وفى يونيه رفع العلم  
والسمسمية نغم  
فوق القنال عالي  
بالفخر موالى

•••

جيشك ياسينا عبر  
بالصبر قنام وانتصر  
شط القناه بالنصر  
عاشان هواك يامصر

•••

وحياة مقام النبى  
لا هزم أنا الأجنبى  
ورب كل الكون  
بعزمي مهما يكون

•••

فى بورسعيد والسويس  
عيد الجلاء ده عريس  
والغالية الاسماعيلية  
وغنوه على السمسمية

•••

اركب ياواد مركبى  
دانت عريس موكبى  
واشرب عصير الفل  
سيد التضال والكل

•••

عيد الكرامة هنا  
كلامى شعر وغنى  
فرحه وغناويه  
وهلال على الرايه

وهلال على الرايه



## ساعة الشروق

يا مصر ساعة الشروق  
وازاي تدوب الفروق  
ليل الظلام ولّى  
ونسور القضاء هلاً

ولو تطيب الحروق  
إطلع بقى يا قمر  
ننسى الأسى والذلة  
علشان تبان فله

واشبعنا فيك يا زمن  
واتباعنا من غير ثمن  
كتر الكلام والقول  
وتاه السدى على النول

ويا ما شقنا المحن  
ولازم ينكسر الوثن  
وعمر العذاب يبطل  
اللى حماه الغول

ونكون معاك يا ولد  
يا حسنى يا ابن البلد  
يا جى مع أكتوبر  
يا وطنى من نوع سوبر

انت الحمى والسند  
بالعز والابهة  
وانت بنا عابر  
ولشعبنا الصابر

إطلع يا فجر الامل  
بالجهد وبالعمل  
لاجل الديار تطلع  
شمس النهار تسطع

والحب فينا اكتمل  
والنيل حايماً لا القلل  
وبكره جاي أروع  
والفرح حايق فرع



## يا أميرة

يا حبيبتي طول حياتي  
واللحن بنفض قلبي  
بأوهبك أغنياتي  
والمعنى في ذكرياتي

•••

يا حبيبتي يا أميرة  
وسط العرب تمللي  
يا جميلة وأحلى سيرة  
إنتي الأخت الكبيرة

•••

يا حبيبتي يادره غالية  
يا نجمة فوق جبينى  
يا منارة حب عالية  
يا رمز فى الميدالية

•••

إنتى الدوح والبرارى  
يا شجرة حب طارحة  
وإنتى الطير الكنارى  
يا فرحة فى نهارى

•••

إنتى القلب الحنين  
حروف اسمك تلالى  
ويحبك مش مبين  
بتخلي العمر هين

•••

يا عزيمة فى كل حاجة  
نيلك سكر مكرر  
فى الشعور فى الدباجة  
وترابك آخر الأجرة

•••

أفديكى بكل عمري  
يا أملى وكل زادى  
يا ساكنة كل فكرى  
أنا فخرى إننى مصرى

أنا فخرى إننى مصرى



## على شط كنالك

على شط كنالك يا بلدنا  
وهالالك نور عالمدنه  
وعبرنا بجيشك كبرنا  
وعشانك يا بلدنا صبرنا  
حطمننا المدفع والدانة  
يوم ٦ أكتوبر فرحانة  
يا بلدنا يا غالية علينا  
عالصعب يا أمى عدينا

على شط كنالك يا بلدنا

يوم عيد النصر وبنكبر  
عالمدنة أدان الله اكبر  
خيراتك يا عظيمة بتكثر  
وده مهمما الحاسد يستكثر  
والفكرة بتيجي مع الذكرى  
والصورة لنهضتنا الكبرى  
بإدين أولادك وحبائيك  
محروسة تملئ من ربك

على شط كنالك يا بلدنا

وفى عز صيامنا وصلينا  
على سينا بقوة عدينا  
وشهيدك غالى وبيضحى  
من جرحي ويغزلك فرحى  
على صوت المدفع سحرنا  
مع طلعة بدر بيسحرنا  
بالروح والدنيا علشانك  
والنصريا مصر دا عنوانك

على شط كنالك يا بلدنا

على شط كنالك بنغنى  
من قلبى انا جية وبهنى  
ويفكر فى الماضى جراحه  
وادى نصرك زادت افراحه  
غنىوة نصرك وتاريخك  
وبحى شبابك وشيوخك  
بالدم كتبنا انتصاراتك  
وفى عيدك نرفع فى راياتك

على شط كنالك يا بلدنا

## الاسماعيلية في عيونى

الاسماعيلية فى عيونى ونورها ساكن فى جفونى  
وناسها دول آخر طيبة ويحبهم ويحبونى

• • •

هيه حبيبتى أنا منها لاتقولى طنططا ولا بنها  
هية السفينة والمينا ولاحتي أبعد يوم عنها

• • •

فيها الشباب والحيوية وسفن كثير رايحة وجيه  
هواها فى بحيرة التمساح ينعش فؤادى على الميه

• • •

وحبيب حياتي فى سماها قمر منور محلاها  
والقل والترجس زاهى على شطها ويا هواها

• • •

وذكرياتى كثير فيها يارب صونها وجليها  
فيها الهدوء ويا الراحة بصراحة روحى حواليتها

• • •

يامشتاقين الاسماعيلية تعالوا وارقصوا حواليه  
على لحنها نميل نرقص هيه النشيد والاغنية

• • •

أحبها ودايما هيه للكل دى أغلى هدية  
وفى العلالى بتنور نجمة ف سماها ملاليه

نجمة ف سماها ملاليه

مهداه إلي مدينتي الصامدة فى الحرب وفى السلم الثائرة الصامدة الإسماعيلية

## درة الأيـام

يا حبيبتى يا بور سعيد	يـادرة الأيـام
فى رحلة مع التجديد	يانجمة رمز سلام
•••	•••
وتملأى بحب الخير	شعبك بطل وأمير
يا أميره للتحرير	يا حبيبة يا مصرية
•••	•••
أم الحماس والنصر	شهد التاريخ إنك
بلد عزيزة فى مصر	وعظيمة اكمتك
•••	•••
لبوا النداء والأمر	فيكمي البولاد السمر
كانوا الأذان للفجر	كانوا الضياء فى الليل
•••	•••
مدى قوام إيدك	غنينا يوم عيدك
وربنا يزيدك	إجنى الهنا والخير
•••	•••
على الأسى والمحن	يا صابرة طول الزمن
على جبين الوطن	والنصر ليكى نشان
•••	•••
اجدع ولاد ناسك	محروسه وحراسك
والحب وناسك	يا زينة القنـال
•••	•••
واعيش ليالىكى	فى العيد أهنيكى
بالروح أنا افديكى	بين الأمل والفرح
بالروح أنا افديك	

مهداه إلى مدينة الشموخ والتضحية والبسالة والنضال بورسعيد العامرة

## البحر والصيف

عُدَيْتِ عَلَى شَطِّ الْهَوَى      خَدَتْنِي النِّسْمَةُ وَيَّاهَا  
وَقَلْبِي لَمَّا نَوَى      سَافَرْتُ وَيَّاهَا

•••

وَسَهَرْتُ لَيْلَ الْأَمَلِ      وَيَّاهَا النُّجُومُ وَالشُّوقُ  
وَالْحُبُّ لَمَّا اكْتَمَلَ      خَدَتْنِي الْهَوَى عَلَى فَوْقِ

•••

شَفَتِ النُّجُومُ وَالْقَمَرُ      وَالْبَحْرُ وَيَّاهَا الصَّيْفُ  
عَلَى طَوْلِ هَوَانَا أَمَرُ      وَالْأَمْرُ كَانَ تَكْلِيفُ

•••

وَلَقِيتُ جَنَاحِي إِتْفَرَدُ      تَحْتَ السَّحَابِ وَالطَّلُ  
شَفَتِ الْجَمَالَ فِي الْبَلَدِ      فَوْقَ الْهَرَمِ وَالْفُلُ

•••

يَا نَسْمَةَ يَا مَرْوَحَةَ      خَدَى لِلْحَبِيبِ عَطْرُكَ  
يَا وَرْدَهُ يَا مَفْتَحَهُ      أَشْجِيئَنِي مِنْ سَحَرِكَ

•••

سَاعَةَ الْغُرُوبِ شَفَتَهَا      وَرَدَ إِلَيْهِ مَسْقِيَّهِ  
بِكَلِمَةٍ أَنَا قَلَّتْهَا      بِفَرْحَةٍ وَهَدِيَّةِ

•••

إِصْحَى يَا مَوْجَ بَحْرِنَا      وَأَوْعَى تَغْرِقْنَا  
عَلَى إِيَّاهُ يَزِيدُ نَحْرِنَا      وَلِيَّاهُ تَفْرِقْنَا

•••

فَوْقَ الرَّمَالِ خَطُوتِي      وَاتْمَخَطِرِ الْقَارِبُ  
مَشْتَاقٌ أَنَا لِلدُّنْيَتِي      لِلْحِظِّ لَوْ صَايِبُ

•••

الْبَحْرُ وَالصَّيْفُ وَالْأَمَلُ      صُورُهُ فِي بَنَوَازِهَا  
أَحْلَى السَّلَامِ فِي الْجَمَلِ      وَالشُّوقُ يَمَزْزُهَا

## البحر والشماسى

البحر والشماسى والصبح والتماسى  
شيئ يسعدنى دائماً ويبجدد حماسى  
البحر والشماسى

البحر والمراكب والحلو جنبى راكب  
بيعوم والموجه عاليه والنورس احلى صاحب  
البحر والشماسى

البحر والحبايب وجواب من اللى غايب  
بيحن وقلبى حبه وحا نبقى فى يوم قرايب  
البحر والشماسى

عالبحر نسمة حلوة والرملة زى غنوة  
والكورة فى ايدى تلعب وقعت فى الميه سهوه  
البحر والشماسى

والشمس طالعة زاهية والفقر غار فى داهيه  
وح ارواح الجيزة مرة واعدى هناك فى ناهيه  
البحر والشماسى

وأكل أسماك وأشبع واشرب فى الشاى وأربيع  
وأقول موالى ثانى والكل بشوقه يسمع

على البحر والشماسى  
على البحر والشماسى

## إيه جرى؟؟؟

طيور عالية في السما	صاحبها المـرض والفنا
بهت زى السمسة	واقعة فى طين القنا
والعالم فيها إحتار	ووجدوها خراب ودمار
والدنيا بحالها حزينة	ودى حكمة من الغفار
طيور فى بيوت ومزارع	وصاحبها ياعينى حزين
والناس ماشيين فى الشارع	والخوف جوة المـلايين
عصافير منظرها جميل	بتموت والعش يميل
ويمامة كمان فى الريح	عدمالة ماليتها دليل
والبيضة أهو خاصمتها	والفرخة كمان ويأها
عصفورة تخوف راجل	من العدوى إحتار منها
يارب أطف يا كريم	إنت اللى بينا عليم
إحفظنا من الأفلوئا	ويبقى الجسم سليم

يارب أنت كريم

يارب أنت كريم

بمناسبة ظهور شبح مرض انفلونزا الطيور فى مصر وعدد كبير من الدول عام ٢٠٠٥، ٢٠٠٦م

## واء .. واء

يا بـت يا أم سماسم  
دى فى شارع الجلاء  
ولازنة الستات  
من بطن الأمهات

يا بـت يا أم سماسم  
مستشفى الولادة  
هناك شفت العجايب  
عيال كتيرة نازلة

نادمين عاللى كان  
من زحمة المكان  
مستنيه اللى جاي  
والأم تقول جاي

جايين الدنيا يبكوا  
من أول لحظة يشكوا  
والناس كتير واقفة  
مابين حيره ولهفة

وحوا مل عالف راش  
والثانية دورها ماجاش  
وأهيه جابت توأمين  
مبروك الدستتين

وأطباء رايحة جايبة  
يشوفوا الست ديه  
والثالثة كم ان بتولد  
واء واء ياع مسعد

والجيب مخروم يارى  
كان فين المسكتخبى  
م الخلقة وم العيال  
خاليتى حظى ... مال

واء واء الكف فاضى  
عاش محروم وراضى  
ندمان عاللى جراللى  
ياولية مالك وماللى

عايزين ميزانية خاصة  
ومعاش عندى فرصة  
وكفاية اللى أحنا فيه  
ويفيد ندمى بأيه

١٢ واد وبـنـبـت  
وانا اللى خلاص كبرت  
أيالك تنامى جارى  
من الخلقة أه يانارى

واء واء يا أم سماسم  
نفسى أشوفها خلاء  
ولا أسمع يوم أهات  
ياريت تسمعها الستات

واء واء يا أم سماسم  
ومستشفى الولادة  
ولا أشوف ثانى عجايب  
دى فرصة ياناس كبيرة



## خفى حبه

يا لى عايشة فى العذاب      يا لى عمرك بدري داب  
شوفى وشك فى المرايه      وشعرك اللى دوغرى شاب

• • •

عايزه ايه م الخلفة تانى      صحتك راحت والأمانى  
والعيال من الجوع بتعوي      وعايزه ليه الخلفة تانى

• • •

بالعيال طفشتي جوزك      وفى النهاية لاويه بوزك  
غلطتك كانت كبيرة      والنهارده مين يعوزك

• • •

العيال عايزين ملابس      والمصاريف لأجل المدارس  
دسته كاملة من عيالك      حيرت كل المجالس

• • •

ليه يا بطه جبتى أورطة      واتغرسيتى فى أقوى ورطة  
مين بقى ياخد بأيديك      والحياة دى حامية شطة

• • •

أسمعى يا لالا كلامى      وأفهمى دايماً علامى  
بطللى الخلفة يا بيضة      خفى حبه م الأسامى

• • •

فيه وسايل حلوة خالص      سهلة جداً للعرايس  
بالسعادة الكل ها يخلص      والجميع فاهم وحاسس

• • •

أنتى ليه تبقى عنيـدة      يالى بعتي كام حديدة  
لو تخفى الخلفة حبه      راح تكوني أنتى السعيدة

راح تكوني أنتى السعيدة



## ياريتك كنت تعرفني

ياريتك كنت تعرفني	ياريتك كنت تعرفني
دا شئ والله شرفني	دا شئ والله شرفني
حزينة عليك يا فارسنا	حزينة عليك يا فارسنا
كلامى شعر حسنا	كلامى شعر حسنا
فى ذكراك تحلو سهرتنا	فى ذكراك تحلو سهرتنا
عشانك قلنا كلمتنا	عشانك قلنا كلمتنا
غلاوتك ليانا محسوبة	غلاوتك ليانا محسوبة
تملى الذكرى مطلوبة	تملى الذكرى مطلوبة
كثير قدمت إحسانك	كثير قدمت إحسانك
مليت الدنيا بحنائك	مليت الدنيا بحنائك
ودا لأنك صحيح إنسان	ودا لأنك صحيح إنسان
وقلبك بالايهان ملبان	وقلبك بالايهان ملبان
ورحمة ربى توصلك	ورحمة ربى توصلك
سلام من ثوما بتقولك	سلام من ثوما بتقولك
ياريت كنت تعرفني	ياريت كنت تعرفني
دا شئ والله شرفني	دا شئ والله شرفني
وبعدك عنى واجعنى	وبعدك عنى واجعنى

وبعدك عنى واجعنى

مهداه إلى روح شاعر الشعب المغفور له عبد الفتاح البحراوى

## كلنا ياسر

في رحلة الموت والعدم      بان الهلال في سماك  
صدقني مايتنقل قدوم      إلا والجميع ويك  
إنت الشهيد والعالم      والقدس بيسنتناك

في غزة أو في رفح      في البيرة ورام الله  
حبك ياسيدي اكتسح      الحق والعدالة  
والى معاه رينا      يغلب ولو قلالة

وسافرت يا عرفات      للجنة ونخيلها  
وكان وراك الوفات      بالنصر داخلها

وبكره راح ينهزم      شارون وأعوانه  
ونصالح اللي إنكسر      ونصالي عشاناه

والقدس يرجع لها      بوصية من عزمك  
وانت اللي حاتقولها      إن الوطن لازمك

ملعون أبو المقتري      لو حتى كان بوش  
دا أنا في الميدان عسكري      ووطني مابعهوش

ووطني مابعهوش

مهداه إلى روح الزعيم الوطني الفلسطيني ياسر عرفات ( أبو عمار)

## ألف رحمة

الوداع يا عم صادق      ألف رحمة تنزل عليك  
الوداع يا كلمة حلوقة      الوداع وسلام إليك

الوداع ويقولها دايماً      وأنت في دنيا الأمان  
واقرالك الفاتحة تمللي      من قلب مليان بالإيمان

إنت عايش والله فينا      بالمحبة وبالقصايد  
دانت غالي كتير علينا      يا صادق يا ابن الأماجد

ندوتك حاتعيش معنا      في الجمعية وفي النوادي  
للخلود اسمك بيعلا      زى نجمة فكل وادي

يا شعاع من ضي بكره      حاكبتك أحلى المعاني  
أنت فينا نور وذكري      أنت لحنى والأغاني

الدموع بحرين وميونا      والوفاء شعاع المراكب  
والقلوب حائرة وحزينة      يا زعيم شعر المواكب

كنت للرابطة سفيرها      كنت للشعراء نصير  
أسرتك الله يعينها      ويرحمك ربي القدير

ويرحمك رب القدير



مهداه إلى روح شاعر العامية الإسماعيلية حافظ الصادق

## الحلوة متزوقة

بالورد والحنانة  
للنهر فى الجنة  
حاضن صليب جنا  
وأصلح فى أحوالنا

الحلوة متزوقة  
وقلوبنا متشوقة  
وإلى الهلال فى السما  
يارب تديم الهنا

راح فرح البساتين  
العقد والفساتين  
أم العنكب والتين  
حاضنة صلاح السدين

النيل بشوقه جرى  
وأنا اللي بعمري يشتري  
للحلو ست القمر  
ماشية فى سكة سفر

والصبر ليهها قوت  
مهما الزمن حايفوت  
واللى يعاديهها يموت  
أعلى من دهب وياقوت

صابرة فى كل المحن  
محبوبة طول الزمن  
واللى عداها أندفن  
دا الروح فداها تمن

ويزيد هنا وسرور  
ويا الأمل والنور  
أم الهرم مسيرور  
مجرى العين والسرور

يارب أحفظ شبابنا  
والخير يقف على بابهم  
طالب رضا أهلنا  
فى القلعة والسيدة

باينة وزى الفل  
مجسّد وسيد الكل  
ملعون أبوه النذل  
على بكره عنينا تطل

الصورة لجل البالد  
يا مصر يا أم الولد  
أمشى فى طريق الهنا  
وأحنا اللي من غير عدد

على بكره عنينا تطل

## فجر العيد

وعام رايج وعامنا جديد  
سودده سوده وحزن شديد

في عز الفرحه يوم العيد  
لقيت في السما راية

وصوت رياح وبروده  
حبال للشنق مفروده

ما بين غنوة وزغرودة  
مراكب حزن غريبة

لا هو أحمد ولا هاشم  
ولا هو عثمان ولا عاظم

صنعها معتدى غاشم  
عدو لدود عتيد جدا

وايد الغولة جرجتنا  
في ديننا وحتى نفحتنا

قتل فينا فرحتنا  
في احساننا فمشاعرنا

في لحظة خوف ظهر غدرا  
ولا شوقنا الدما نحرا

وحبل المشنقة فجرا  
قتل عيدنا ما عيدنا

ورب الكون غفر ذنبه  
ومحشية بارود على ضربه

وفارسنا شهيد ربه  
بايد غرقانه وحشية

مشاعر نور و نار قايدة  
دا عهد علينا ومعاهده

ودمك راح يكون قايدة  
وسكة للى ياخذ التار

دا عهد علينا ومعاهده



هذه القصيدة تمت كتابتها بعد سماع الخبر الحزين مقتل الزعيم العربي صدام حسين  
فجر عيد الأضحى المبارك عام ١٤٢٧ هـ وأول ٢٠٠٧ م شققاً في وطنه العراق

## للشاعرة أم كلثوم إبراهيم محمد عيسى

مجموعة قصصية تحت الطبع بعنوان

• بائعة الورد

وأيضاً الديوان الثانى بعنوان

• فجر الدموع

للأتصال السريع بالأستاذة

الشاعرة أم كلثوم إبراهيم محمد عيسى

ت . محمول : ٥٩٨٢٠٠٩ / ٠١٢

ت . منزل : ٣٤٥٣٦٨٠ / ٠٦٤

## شكر وتقدير

- للسيدة الأستاذة / سامية فياض رئيس اقليم القناة وسيناء الثقافي على تعاونها المثمر ونأمل أن يتحقق لها النجاح مدى الحياة ولها خالص الدعاء .
- والسيد الأستاذ الشاعر / هيثم كمال رئيس القناة الرابعة بالتلفزيون على تعاونه الفعال ونأمل أن يوفق في جميع أعماله وفي حياته بصفة عامة .
- جميع صحف الإسماعيلية وإذاعة القناة التي لعبت دوراً كبيراً في مساندتي للوصول إلى أكبر النتائج المباشرة بالخير والنجاح .
- أشكر رابطة الزجاليين وكتاب الأغاني بالقاهرة وكذا فرعها بالإسماعيلية وأشكر كل الزملاء الذين وقفوا إلى جوارى وساندوني في الوسط الأدبي





## حب وتفاهم متبادل

الشاعرة الصحفية الأستاذة / أم كلثوم ابراهيم محمد عيسى

في لقاء ودّ وحب وتفاهم متبادل مع الرائدة الثقافية الأستاذة / سامية فياض

رئيس الإقليم الثقافي لمدينة القناة وسيناء بالإسماعيلية وقد أثمرت المودة في صورة

تعاون إعلامي وثقافي شهدت له كل الأوساط المتخصصة وهذه صورة مشرقة ومشرقة

لتعاون لم يسبق له مثيل ..

## الفهرس

رقم الصفحة	الموضوع	رقم الصفحة	الموضوع
٣٥	المسحراتى	٩	شهد الندى
٣٦	ليلة القدر	١٠	هدية عمرى
٣٧	هل علينا العيد	١١	جمال الربيع
٣٨	سكة الحجاج	١٢	مش هااسمحك
٣٩	انتصاره كان هدية	١٣	بحـبك
٤٠	الله أكبر	١٤	رجعت تانى
٤١	يامصـر	١٥	ياقاعدين
٤٢	شرطتك يامصر	١٦	سلفونى
٤٣	عيد الجلاء	١٧	الأيد فى الأيد
٤٤	ساعة الشروق	١٨	نجلاء
٤٥	يا أمـيرة	١٩	حكاية
٤٦	على شط قنالك	٢٠	صورة وذكريات
٤٧	الإسماعيلية فى عيوى	٢١	إيهاب عزت
٤٨	درة الأيـام	٢٢	حمار بموتور
٤٩	البحر والصيف	٢٣	رمز الإيمان والضمير
٥٠	البحر والشماسى	٢٤	هموم الوظيفة
٥١	إيـه جـرى ١١٩	٢٥	شهد الندى
٥٢	واء... واء	٢٦	شكوى للرئيس
٥٣	خفى حبه	٢٧	قلة الأصل
٥٤	ياريتك كنت تعرفنى	٢٨	أنتم مين
٥٥	كلنا ياسر	٢٩	طير حزين
٥٦	ألف رحمة	٣٠	تلوث البيئة
٥٧	الحلوة متزوقة	٣١	ممنوع التلوث
٥٨	فجر العيد	٣٢	إمسك قلمك وتعلم
		٣٣	قراقيش وياميش
		٣٤	شافوا الهلال